

許墅關志卷之八

坊巷鄉村

聖功坊在義塾內明嘉靖九年權關員外郎方鵬創建學宮立

東門坊曰賢關西門坊曰聖域萬歷四十二年主事李佺臺

立 本朝嘉慶二十一年權使阿爾邦阿重修易東西門坊

曰龍門鳳池 互見學校

雲路坊在南新橋街口明萬歷四十二年主事李佺臺立以表

詣學宮之道內有仰聖門

許墅金湯坊在郡廟前明萬歷戊申年權使張萱建 本朝康

熙年間重建

許墅關志

卷之八

坊巷鄉村

國泉外府坊在關署前康熙九年員外郎桑梓鄭焯新建

江海通津坊在關口便民橋

鳴鳳坊在便民橋右明權部某為致仕遂昌令施霖立於其里

節孝節烈貞孝貞節各坊旌名已見列女傳

百歲坊舊在文昌閣下今圯不可考

茶亭街

從關署南起

齋僧街

中有獅吼禪院

更樓街

乾隆間南河典舖更樓過高關南屢

被火災堪輿家皆謂此樓有礙火星非惟衆姓受累權署亦有可虞五十六年五月廿七日撫軍長麟過關關署總書黃星燦金鳳三等稟知撫軍即飭委員押令拆低一境乃安

璆玉街

毛家街

中有春秋閣

太平巷

南新橋街 經笥巷

在義塾右自此巷開通師古浜許墅人文日衰堪輿家謂

仍宜塞之今名金獅巷

竹青塘橋街

北新橋街

在鎮北自此俱在西岸

西街街

從鎮北起

尤家街

寺橋街

俞家街

朱家街

胡匠

橋街

牌樓街

以鳴鳳坊得名

咸寧巷

大珠街

在鎮南自西街至此俱在東

岸

橫經浜

唐家浜

西漁莊

凌壽祺漁莊僻處居然空谷音兩村百室亦林林是誰埋玉荒園古

端合垂竿綠樹陰稻熟秋風千畝近波添春漲一溪深夕陽漁浦皆詩料收入茆堂細細吟吳鑑漁莊夕照蠶塵割斷百
花莊檣棹剛逢晚吹涼夾岸淪漣看宿漲一竿煙雨斜陽
舷歌款乃聲爭和畫本流傳墨有光漁火江楓成絕唱天教
獨占小東漁莊兩漁莊本名俞家場
滄浪以太地多漁者易今名

太平橋巷

已上俱連屬滄

鎮墅

白馬澗

向家

余村

巖山諸村

陽山東各村

陽山西

各村

明凌烈山村雨後鶉鳴啼日出黃鸝語山深人不知白雲自爲侶村村蕎麥熟樹樹綠桑斜要乞蘭花笋來過

游墅關志

卷之八

坊巷鄉村

二

舊隱家

將巷

舊名將營有陸和廟

夏家莊

通安橋

戈巷

言田

巷金墅

上涇

用巷

楊巷

祝巷

曹巷

捍村

望亭上塘

已上俱西岸鄉村

望亭下塘

東蠡橋

西蠡橋

黃埭

南下王

北下王

白豸山諸邨

萬圩

前橫宅

後橫宅

沈四房莊

日

暉橋

河干橋

莫家巷

白坊

謝巷橋

近謝巷此俱東岸鄉村

許墅關志卷之八

道路橋梁

余公街為許墅鎮通衢東西兩塘濱運河者是也明嘉靖三十九年陰雨水潦兩街頽塌四十二年權關主事余立捐貲市

磚石甃治遠近德之稱曰余公街

明施霖余公街記按周禮地官合方氏掌達天下之

道路月令季春司空開通道路則道路之利于通達古也許墅為蘇巨鎮鎮有東西二道濱於運河河西者寬衍直達凡縉紳輿馬商民負戴胥此往來河東者寬達雖同然夾以民居鄉遂之貿遷南北之趨赴者取為便道均之為要衝也自景泰改元立關務以來迄今將二百年雖嘗甃以磚石然積久坍塌漬以泥淖而河西濱水者更嶽崎阻險每風雨則積荷者須策挾方能舉足稍昏黑雖強有力者皆恐恐然畏如涉險延及嘉靖庚申積雨浸淫蘇郡郭外皆成渺瀰關署不浸者僅尺許街之汨沒沮洳可知昔之恐恐者爭疾首蹙額且呻吟矣今甲子春樂吾余公奉簡命按節於關見署逼涯

許墅關志

卷之八

道路橋梁

一

涖不可不葺委官長洲典史曹大卿備以告公公戚然若躬歷茲險者遂謀築治出俸資若干兩市磚改甃且示以規畫務利民永久委官承命唯謹始于河西南北計若干丈皆革故鼎新次及河東之傾圯類河西者計若干丈俾從宜修葺始事于三月之吉訖工于四月之終哀然坦如砥如矢居者騰歡行者動色誠亘古盛舉也白冶施子河東里人也目擊大義作而言曰昔東坡官于浙築堤西湖樂天官于吳築隄山塘固皆流澤無窮原其由始于便游覽耳而蘇隄百堤至于今光昭史冊况我樂吾公之街乎故敬題曰余公街為文以紀其實云公名立字季禮廣西馬平人為南臺名侍御東臺公季子以詩經發解聯登壬戌科甲榜今轉禮曹儀制司東臺嘗守毘陵善政著于郡志今公蒞關再閱月而衆善悉備他日必有名筆以彰江南卓異茲不及贅

本朝凌壽祺余公街詩清俸同分濟衆懷董堤盡處接余街百廛居倚

康衢樂一闌人來利往皆菱芰河橋風物好桑麻村社景光佳蕩平兩岸歌遺澤白冶殘碑試重揩

董公堤自許墅鎮至楓橋長二十里南北往來孔道也歲久圯

壞明嘉靖二十二年權關主事董子策捐貲營築張寰記碑

在真武殿後萬歷二十四年主事董漢儒重築前後二董因
名董公堤四十四年主事張銓重修 本朝順治八年巡按
御史秦世禎葺治康熙十一年分守蘇松常道韓佐周捐修
以丁艱去工未竟已土舊志自康熙二十三年甲子至乾隆四十
九年甲辰每逢

聖駕南巡節次興修嘉慶年間知蘇州府任兆炯以開河盈餘

捐項重修

明申時行游墅關修堤記國家以辜權之利佐度

支關有征舟有算司徒之屬歲奉璽書從事焉吳
之游墅其一也吳故東南都會而游墅縮穀其口關臨漕渠
有堤翼之蜿蜒綿亘四出九達無論剋蓋走集商賈輻輳而
大農之粟少府之錢歲輸以巨萬億計舳舻相銜邪許之聲
不絕關之左右皆名田上腴至不害其種自倍饗殮租賦出
其中蓋行旅所迹歲漕所經稽事所仰賴是堤之重久矣比
歲淫潦水齧隄崩徒涉既艱淪胥日甚一時行者負者挽舟

游墅關志

卷之八

道路橋梁

二

而過者秉耒耨鑄而望歲者皆顰蹙咨嗟有司雖賊目疚心
而物力方虛莫知爲計也戶部郎澶淵董君以萬歷丙申來
領權務既釐剔弊蠹修舉經程遐邇慕懷至者繼屬踰年而
稅之溢于舊額者三千金而羨關吏請如故事治囊中裝君
叱之去曰奈何汚我而議所以捐之則以語備兵憲使曹君
曹君曰請捐之隄工爲吳民利可乎君欣然曰可卽輸金府
藏以待庀役而曹君爲聞之中丞侍御兩臺檄郡丞應侯長
洲令江侯董其事乃發部民二百四十家各率丁夫具畚鍤
塞決補罅培薄增卑衆志大和並手皆作自楓橋抵關二十
里所隄爲丈三千六百有奇如砥如墉旣崇旣固工始于某
月某日訖于某月某日凡三閱月而告成于是江侯來乞言
將石其工之始末以示永久昔在成周關市不征澤梁無禁
其取諸民也廉而至于遂徑溝畛川涂澮道遂人之所治司
險之所周知無不犁然備飭者則安所措費而得是蓋其時
鄉有委積野有聚粟載師有園廛縣稍之八均人有公甸之
力政常以其不涸之財有餘之力興事而勸工故人不告勞
而國不知費其豐豫若此余嘗聞父老言周文襄撫吳時繕
治津梁道途以數十百計所在廩庾皆滿間以抵無年之租
熙熙乎儼若成周之盛世而今則有大異不然者賦額日廣
供億日繁重以災沴薦臻督逋之檄旁午于道間闔如磬廡

藏如洗有司至不能名一錢甚則學宮頽圯經數歲而不得治蓋已窘矣向微董君出其餘稅捐以予隄則病涉苦潦輿蹙咨嗟之民庸有極乎蓋江侯爲余言董君之司權也度舟算緡如式而止皆躬自衡校一不以假吏胥稅金鎔銷解運綜理微密無敢有恫喝爲奸利者民間小艇緣關往來一無所呵禁蓋以其精明彊察燭奸杜欺以其寬平和惠懷遠附近其贏得過當乃大勝于競錙銖析秋毫者而水蘖之操羔羊素絲之風又矚然自拔于脂膏之地故能酌彼以注茲推贏以濟詘上佐公家之急而下以拯一方之艱危躋之周行貽以永利其有造于吳豈淺鮮哉昔者原思廉而不知惠國僑惠而不知政余謂君實兼之以訓官箴以恤民隱以修王政之闕一舉而三善備矣則是役也胡可以不書遂爲之記董君名漢儒字其大開州人萬歷乙丑進士董其昌游墅關重修董公隄記楚中丞澶淵董公司權時築石堤三千六百丈自吳關而東屬之寒山幾二十餘里吳人所爲尸祝董公者也歲久水齧石窪堤稍廢不治天雄張平仲使君始增修之雖仍舊貫與新作等何則自稅使出籌國者以物貨之征領之有司關使者算舟而止度支之額則猶故也而歲入非矣使君受事當其時絀浮羨幾何然每有浮羨輒爲吳興作不擊不止曰終不以虎邨一拳石溷吾受塊之墟也處脂膏

游墅關志

卷之八

道路橋梁

三

中不自潤而道是謀則誠廉吏雖然非谿刻之謂也何足爲使君頌哉余觀公家之事往往前人善作後人害成卽以治河論行河大臣率三歲一更而必人自爲一河河可十年不決而濬河之役靡一歲寧止蓋共濟若斯之難後董公而權者豈無廉士曰此董公之堤也吾何有焉是以堤廢不治若使君則無以有己矣使君世承清劭沉深博大身兼數器有幹國之略嘗爲元城董考功哀集遺文傳之世是役也必表著董公之遺惠於弗隳夫勞臣相矯如文人相輕視使君何如也因記堤工歲月并書之

本朝凌壽祺董公堤詩虎膠

南畔郡城西遙亘晴空萬丈寬同姓人俱傳直隸異時功合

在長堤六橋花柳穿明鏡七里樓臺映碧

溪何似河千資利涉往來絡繹度輪蹄

石路自尤家浜至塌水橋乾隆間一負擔者積金爲之

附記亭

碑亭在射瀆口董公堤關帝廟左碑刻申時行修堤記其地因

名十里亭乾隆四十八年六月十四日大風雨亭圯五十一

年里中紳士朱崙發朱高濬徐秉鈞吳宗華以亭係舊蹟告
長洲縣公示約重建權署總書王字燦如金字震三輩共出
白金三百餘兩以成之

渡口亭在十里亭下塘有人於此遇雨喚渡舟人以其無錢不
渡後建此亭俾往來者有以避風雨焉

於止亭在興賢橋南文昌閣下乾隆間邑人陳玉林建以憩行
道及遲舟者玉林自為記

古茶亭在關署南有古庵陸吟過茶亭詩綠陰裏書真真一
棹初從柳外停記取張家橋畔路半

肩行李
古茶亭

官渡亭在大珠街南首

游野關志

卷之八 道路橋梁

四

閘亭在關口互見
公署

浮橋即關口巨舟也關以橋為啟閉

凌壽祺浮橋詩人囂囂舟
招招放關日日當空朝造

舟為梁始周制雄關一鎖資啓閉在昔元置竹木場抽分猶
號竹青塘有明始設閘葑門游野巡檢晨昏景泰建元關
乃立歲歲分司司出入四方賓客敏關來神洲遠物于焉集
厥有賴公權政仁永通渠開最便民錢鈔差委異專攝內侍
一出恣漁獵南北兩稅重紛更泰昌停一關津亨我朝萬
國梯航聚四海揚舲歸化宇聖人曰關藉巡警裁汰歸
併煩費省大官內府掌職幣兼理權司之會計舳舻萬里容
萬斛風颿利達好販鬻開亭截棄控當河非常既察皆安過
鐵索一聲篙一撩
關南去看開浮橋

便民橋在關口即永通渠明宏治十二年主事賴先建隆慶三

年許守謙修

舊志明陳琦永通渠記吳郡去城西北一舍許
有名鎮曰游野濱臨漕河舟航所聚商賈所通

驛使交馳紛紜填溢殆無虛時自永樂間通漕以來朝廷設
關津以征商稅每歲必命地官之廉勤幹濟者蒞焉于是乎

操拘縱之柄而時其啓閉遇夜則鑰之以防私渡其法視舟之廣狹徵賦之多寡按季而輸之民部其資國用也廣矣然皆視公署猶傳舍以積斂爲功績事裁損于利者咸莫之爲宏治十二年己未今地官員外郎賴公奉命以來凡百究心一以寬仁爲本如商之竹木過此者則曰此工曹已稅矣不可爲之重征也聽其徑行仍謂往來小航且與商舟鱗次放行能不苦于稽滯乎爰謀爰度乃卽關轄之旁命工鑿小渠以石固壘其修若干尺廣六尺餘僅容刀舟之度一時之農工漁樵婚喪之人行旅裹糧之輩晨夕往來無復艱阻于是人心欣躍感戴公德之至關之父老相率踵予告曰賴公建此萬世永利良恐歲久善治不繼日就湮汨則爲民病猶前日願得一言以紀諸石庶使後之繼至者有所考見以相承于勿替乎予謂世有古今人心無古今賴公忠以奉國仁以惠民秉爨之理人心所同後之君子同寅協恭贊相輔翼增所未備也必矣又奚爲慮哉且公之偉績誠不止此觀其堂廡維新窗戶疏達外建屏牆增補石岸財出於官民不知費蓋公廉以濟敏公以施仁故商不濫征而課額自足津無苛留而渡有捷徑賁緣財利者無所投其隙倚法爲奸者無所施其計嗚呼是可以觀政矣異時秉國之鈞均國之惠卽此心之充拓耳又奚庸言因記其渠也而牽聯書之公名先字

游墅關志

卷之八

道路橋梁

五

伯啓閩之汀洲
人庚戌進士

興賢橋在關南明萬曆三十一年主事施重光倡建里人張宏

德兄弟助成之崇禎十四年監生朱涵虛捐修 本朝康熙

二十二年員外郎黃懋重建嘉慶二十二年修

明申時行興賢橋記郡城

之西北二十里所曰游墅國家所爲設關命吏筦辜權而佐度支者關之左右環而居者無慮數千家褒衣雅拜吾吟之聲不絕成宏間有試京兆哀然居首者迄今而寥寥無聞焉於是青衿之士十餘曹相與課曰人文之盛鍾于地靈吾吳文物之藪而水國也水之游盪蓄潴而風氣之萃渙因焉夫游墅襟江而帶湖江自北入京口歷梁溪而來太湖橫浸三州穿百瀆而四溢游墅皆縮穀其道然自關以南水散漫無統風氣旁洩人文弗振無乃是乎詢之形家曰建橋便則以請于二三關使者薄有捐助而莫爲之勗也于是振武施君至則慨然任之乃斥算緡之羨若干諏日鳩工建橋于關之右若干武榘石畢湊徒庸並作廣可四軌崇若干尺工始某月日迄某月日旣成命之曰興賢而屬余記余聞之古者川

涂徑遂皆有徒杠輿梁以濟不通令民靡揭厲胥溺之患大抵便利元元而無與鬣士士所為陶鑄涵育者則在橫校使之操縵鼓篋藏修游息其中以梯榮階進汲王明而升上國未有假靈于川澤借資于物役者且郡城中故多科第近亦稍緹論者時有所歸責謂士習文體不謂風氣也今之稱斯橋也者則謂之何然余竊有深幸焉關市之區人競錐刀逐駟儉仰機利而食詩書綽誦之業宜廢不講而士乃孳孳問學欲驤首奮翼而登天衢夫吹劍而礪刃無不割矣矯箭累弦而射無不中鵠矣士顧斯名繹斯義有不矧然振起竟成其志者乎而施君起家制科蒞事茲土以造士作人爲己任士有不搏精輯志思仰副盛心者乎使人謂賢哲之彙興由茲橋始則余日望之矣余不能必形家之說之果驗而必諸士之能興起爲形家驗也

南新橋在關北一名中津橋明成化間建 本朝康熙五十八年重修

北新橋在南新橋北一名北津橋本名普思橋宋慶元三年建

游墅關志

卷之八

道路橋梁

六

後圯明宏治九年主事劉煥重建 本朝乾隆四十二年重

建

舊志明吳寬普思橋記許市在蘇州西北境上其民際水而居農賈雜處爲吳中一大鎮自景泰間朝廷置權司于

此舟楫停集居民益繁貿易往來以限于官河皆稱不便成化初雖嘗作橋以免濟渡而南北遼絕人跡折旋猶以爲不便也里父老相傳故有橋在周孝侯廟旁訪求之果得石刻題曰普思橋視其時宋慶元三年也乃圖重建而不敢專以戶部主事藁城劉君煥方奉命分司于此敏而有爲始合言以請君曰是民功也吾何敢沮且從而獎勵之他日工部主事貴溪姚君文灝行水至聞其事亦從而勸相之民既樂爲則又言于知府史侯侯曰宜又言于巡撫都御史朱公公亦曰宜于是更相告言出財以助凡得白金若干兩擇宏治九年五月興工是年十二月功畢劉君喜其事之果成也曰是橋財費甚鉅勞力甚多然而利益甚大不可使後人無所攷也介鄉貢進士浦君應祥請文以紀夫事之成未有不由于人和者周之作洛曰四方民人和會橋梁之役雖非是比然民不欲爲上之人雖驅之不成也民既欲爲上之人或拂之亦未易成也惟民爲之上從之故雖財鉅而力多不待踰歲而役底于成幸哉雖然人則和矣時亦有助焉吳爲澤國

數被水患今歲大熟既有秋成之利視義所在慨施不吝此事所以易成也與橋之修一十二丈其廣二丈三尺崇如廣而減二尺董其役者曰倪俊凡出財姓名具列于碑陰云
自浮橋至此俱在本鎮跨運河

射瀆橋 在射瀆通陽山諸涇
杜莊涇橋 去射瀆一里
百畝橋 俗名

伯姆
灞陵橋 **高余橋** 內有
低余橋 **黃花涇橋** 三

里橋 已上八橋俱在董公堤
放生河橋 一名聚秀橋在關帝廟左
崇福橋 一名趙王

涇橋俗稱
竹青塘橋 在關北嘉慶五年重建
南馬橋 一名南馬

路
北馬橋 一名北馬路橋即華
南勝橋 一名南勝子橋
北勝

橋 一名北勝子橋
金涇橋 **南陳店橋** **北陳店橋** **瓜涇橋**

南青石橋 **北青石橋** **雙白橋** **由祿馬橋** **柿木涇橋**

已上十三橋自游墅北至望亭自射瀆橋至此俱在官塘西岸

游墅關志 卷之八 道路橋梁 七

西郭橋 在山塘港口本名虎西橋俗諺西瓜橋明萬歷四十年

主事劉廷獻記乾隆間重建又
藥師庵橋 已上二橋自山塘港至游墅

孃孃橋 橋側舊有永泰庵祀泰山元妃故名
胡匠橋 **龍華橋** **年廣橋**

已上四橋
滄瀆橋 近望亭自西郭橋至此俱在官塘東岸

金巷橋 有觀音庵
矯舍橋 在崇福橋內宋中台矯舍橋詩溪流迎

短篷沿門古樹合隔岸野田
環玉橋 明里人張琛建
花冶浜橋

儀橋 **青石橋** **新造橋** 在河口
華巖庵橋 在庵左
興吳

橋 **玉帶河橋** 在石子街口已上十橋俱在西岸鎮上

蘊藻浜橋 **吉慶橋** **太平橋** **篠橋** 二橋在大溝左右
濟平橋 在大

猛將堂左里人
庵橋 亦曰安橋在漁莊後
彩雲橋 亦曰寺橋以龍貢生金祿題名

五橋俱在東岸鎮上

蠡湖橋

在竹青塘內乾隆間重建張喬泛舟過蠡湖橋春游泛小船風蹴片帆懸綠柳溪邊鎖烏犍陌上眠村孤茅屋

少山遠翠峯連頃刻蠡湖過吟詩思渺然

小蠡湖橋

在蠡湖橋側一名况榮基橋

山橋

落泊花橋

宜橋

已上三橋俱在甌山麓宜橋本名尼橋明崇禎初山人凌世忠隱此重建改名世

忠詩考槃真在澗水漲得橋直只許扶藜過母敦乘馬馳春風花發處秋夜月明時慧遠無心出更張肯自私 **徐**

家橋

通安橋

在大石麓

水東橋

南何家橋

萬安橋

即邱

莊 **永樂橋** 仍改永安橋俗名橫石橋

龍塘橋

三橋俱在通安橋西

望仙橋

在陽

山前姑蘇志故傳丁令威昇仙處

爪山橋 在爪山趾

象山橋 在象山趾

萬安橋

在金墅市中心

北何家橋

近通安橋有觀音庵

楊巷橋

有觀音庵

朱巷橋

祝家橋 在祝巷

捍村廟橋 在捍村

用巷橋

在用巷

黃鳳橋

游墅關志

卷之八

道路橋梁

八

塔平橋

石下橋

巷路橋

馬路橋

五像橋

四通橋

大通橋

塔平橋以下七橋俱在五都明嘉靖間里人沈凝字守樸家巨富助修崑山縣城餘多石料建此七

橋橋下俱書沈宅橋沈凝獨力建

童家橋

近官塘陳店橋自蠡湖橋至此俱在西岸鄉村

周莊橋 在長蕩口

前橫宅橋

後橫宅橋

二橋在後橫宅

黃篠橋

黃泥水橋

河干橋

連香橋

四本橋

楊安橋

日暉

費家橋

大通橋

金塘橋

東蠡橋

西蠡橋

塌

水橋

吳公橋

狗涇橋

白豸山橋

在白豸山趾

千步涇橋

在千步涇上俗名菖蒲涇橋

上珠橋

下珠橋

前陸墅橋

後陸墅

橋

丁家橋

近官河與金雞汛相對自周莊橋至此俱在東岸鄉村

望亭橋

在南望亭跨運河上有關帝廟耆民吳怡如建

許野關志卷之八終

許野關志

卷之八